

集部

次 之 写 車 全 彗 暴亂厥行淫穢昔為司隸校尉會值國家喪禍之際太 以禁暴今行車騎將軍衣紹託其先軌冠竊人爵既性 臣聞皇義以來始有君臣上下之事張化以尊民刑 欽定四庫全書 魏 三國志文類卷十 表奏 公孫瓚上袁紹罪狀表 三國志文類

斃不仁不孝紹罪三也紹既與兵涉歷二年不邱國難 當攻董卓不告父兄至使大傅門户太僕母子一 辱爵命背上不忠紹罪二也紹為渤海太守默選戎馬 見質紹不能權論以濟君父而棄置節傳进竄逃亡於 焼孟津招來董卓造為亂根紹罪一也卓既入錐而主 后承掛何氏輔政紹專為那媚不能舉直至令丁原焚 百姓嗟吁莫不痛怨紹罪四也韓馥之迫竊其虚位矯 廣自封殖乃多以資糧專為不急割剝富室收考責錢

錢錢不備果二人并命紹罪八也春秋之義子以母貴 七也紹又上故上谷太守高馬故甘陵相姚貢横責其 服張揚而以小忿枉害於熟信用讒隱殺害有功紹罪 共飲食克期會合攻鈔郡縣此豈大臣所當宜為紹罪 六也紹與故虎牙都尉劉勲首共造兵勲仍有效又降 封於口沒鄉侯印告新室之亂漸以即真今紹所施擬 而方之紹罪五也紹令崔巨業候視星日貨賄賂遺與 詔恩刻金印王璽每下文書皂囊施檢文曰詔書 三國志文數

沙定四車全書 一

土之會伐荆楚以致青茅誅曹衛以彰無禮臣雖聞茸 誅紹罪十也臣又每得後將軍袁術書云紹非術類也 大紹令周昻盜居其位斷絕堅糧令不得入使卓不被 據豐隆之重任忝污王爵損辱表宗紹罪九也又長沙 天子遷都諸侯背叛於是齊桓立柯亭之盟晉文為踐 紹之罪戾雖南山之竹不能載昔姬周政弱王道陵遲 太守孫堅前領豫州刺史驅走董卓掃除陵廟其功莫 母親為婢使紹實做賤不可以為人後以義不宜乃 飾重席童女以蹈舞級釀酌必貫三時而後成樂人 之大祭千有五百之羣祀通天之臺入阿房之宫齊必 忠誠之效攻戰形狀前後續上遊舉兵與 與諸将州郡兵討紹等若事克捷罪人斯得庶續桓文 詔問所宜損益必謂東京之事也若夫西京雲陽汾 名非先賢家被朝恩當此重任職在鉄鐵奉辭伐罪輛 百日養儀五載牛則三千其重王則七千其器文綺 王朗請太祖節省奏 勝紀

火軍司軍公害

三國志文類

餘人中廏則聯聯騎馬六萬餘匹外收則扈養三萬而 · 東太官賜官奴婢六千長安城內治民為政者三千中 三千四百而後備內宫美人數至近千學官博士七千 金グピル 文避泰而從約之趣豈夫當今隆與盛明之時祖述走 餘既建繭栗懿誠之本掃地簡易之指又失替質而損 隆於三代近過禮中夫所以極奢者大抵多受之於秦 馬十之執金吾從騎六百走卒倍馬太常行陵幸車千 二十石敬罪斷刑者二十有五獄政充事猥威儀繁富

所宜希慕哉及夫寝廟日一太牢之祀郡國並立宗廟 欽定四車全書 儒 改於哀平之前不行光武之後美謹按圖牒所改奏在 之法丞相御史大大官屬吏從之數若此之輩既已屢 舜之際割奢務儉之政除繁崇省之令詳刑慎罰之教 天地及五帝六宗宗廟社稷既已因前代之兆域矣夫 上帝靈臺所以觀天文辟雅所以脩禮樂大學所以集 天地則掃地而祭其餘則皆擅而将之矣明堂所以祀 林高禄所以祈休祥又所以察時務揚教化稽古先 三國志文新 呁

民開誕慶祚舊時皆在國之陽並高棟夏屋足以肆饗 羽 風 射望雲物七郊雖尊祀尚質猶皆有門守便坐足以避 乃兵既久屯而不務營仙不脩器械無有貯聚 名實不副難以備急有警而後募兵軍行而後連糧或 之人雖有來制之處不講戎陣既不簡練又布更寇雖 及衛士并合雖且萬人或商賈惰游子弟或農野謹鈍 雨 檄則三面並荒擾此亦漢氏近世之失而不可式者 可須軍罷年豐以漸脩治舊時虎賁羽林五營兵 隅

欽定四庫全書 一 後功成遠矣若茲凶不華遂迷不反猶欲以其所虐用 若畏威效用不戰而定則賢於交兵而後威立接刃而 威而衆未動畫外之蠻必復稽顏以求改往而效用矣 難民忘其死今之謂矣糧畜於食勇畜於勢雖坐曜烈 省其暴蘇瞻其衣食易稱悅以使民民忘其勢悅以犯 放馬而戢兵宜因年之大豐遂寄軍政於農事吏士小 大並勤稼穑止則成井里於廣野動則成校隊於六軍 也當今諸夏已安而巴蜀在畫外雖未得偃武而残甲 三國志文類

臣 之民待大魏投命報養之士然後徐以前歌後舞 之衆臨彼倒戟折矢樂服之羣伐腐摧枯未足以為 間復忠寵賢未必當身念功惟績恩隆後嗣 孫叔顯封厥子本彭既沒爵及支庶故軍祭酒郭嘉 太 思嘉熟實不平定天下課 祖乞追贈郭嘉户邑表 毎夫 晢 事攸 大表 議日 竞等 可功 臨軍 欲日 敞祭以諸 可髙 制酒後君 變郭 事年 交嘉錯疾 臣 嘉 屬皆 策自 八短 之孙 百命 未從 而輩 及篤 事 Þ 決征 中也 虎太 業未 嘉伐 年惟 并 臨祖 天奉 其問 是 輒十 樂 成有 折孝 終 喪疾 ソス 一命最 喻 征 良者

次定四車全書 一一 終上為朝廷悼惜良臣下自毒恨喪失奇佐宜追增嘉 臨敵發揚擔命凶逆克於熟實由嘉方將表揚短命早 封并前千户後七為存厚往勘來也 定鳥九震威遼東以泉表尚雖假天威易為指麾至於 吕布西取眭固斬衣譚之首平朔上之衆踰越險塞邊 無遺策自在軍放十有餘年行同騎乗坐共幄席東禽 忠良淵淑體通性達每有大議發言盈廷執中處理動 又論田畴功表不之官隨軍次無終才 三國志文類 方拜 夏為

行追|鶯龍|也秋|表不|空弛|從武|北有|得而| |封奔||费歷||太冬||於戰||虚無||今以||平水|進濱| |封逐|單平|祖乃|水而|之備|虏來|郡淺|太海|| 畸比|干周|令復|側禽|地若|将陷治不|祖落| 亭至 身登 畴進 路也 路嘿 以埌在通 患下患 侯柳自白料軍條太|近回|大斷|平車|之潭|下 太城隔狼其庫日祖而軍軍絕周馬以滯 祖車|陣班|泉候|方日|便從|當垂|道深|問不| 表還太去為騎令善掩盧由二出不曉通 |論入|祖柳|鄉見|夏乃|其龍|無百|盧載|疇虜 畴塞與城 尊之 暑引不口終載 龍舟日亦 功論交二上誠道軍備越不而達船此應 日功|戰百|徐以|路還|蹋白|得尚|干為|道守 遂餘無為不而頓檀進有柳難秋躁 大里山大|通署|之之|而假城久|夏要 斬虜 出軍 且大首險 退徑 自矣 每車 雅乃[盧去]俟木]可出|解可|建舊|常不

薛公之度淮南又使部曲持臣露布出誘胡衆漢民或 軍次易縣轉長驅自到陳討胡之勢猶廣武之建熊策 宗 退合義幽州始擾胡漢交萃荡析離居靡所依懷疇率 文雅優備忠武又著和於撫下慎於事上量時度理進 因亡來烏九間之震荡王旅出塞塗由山中九百餘 野遠結烏九與為首尾前後召疇終不陷撓後臣奉命 而後食人民化從咸共資奉及衣紹父子威力加於朔 人避難於無終山北拒盧龍南守要害清靜隐約耕

效節 欽定四庫全書 者百姓之所縣命而選用者之所卑下王政之弊未必 宜 一時帥兵五百故導山谷遂滅烏九蕩平塞表時文武有 九章之律自古所傳斷定刑罪其意微妙百里長吏皆 祖以 不由此也請置律博士轉相教授事遂施行 知為 知律刑法者國家之所貴重而私議之所輕賤獄吏 其利 我可嘉誠應電賞以姓其美味自 衛凱請置律博士奏明帝 至非 心本 許意 人 而也 不固奪譲 三里元丁車 太 逃以 志始 1. 義不居 立難

計莫如督之以法不爾而數轉易往來不已送迎之煩 耳 昔者周有亂臣十人有婦人馬九人而已孔子稱才難 其官亦未得人也此非選者之不用意益才匱使之然 存者盖亦無幾股脏大職及州郡督司邊方重任雖 不其然乎明賢者難得也况亂弊之後百姓凋盡士之 可勝計轉易之間輕有好巧既於其事不省而為政 况於長吏以下羣職小任能皆簡練備得其人也其 劉廙論治道表 俌

計其聲譽必集也長吏皆知點防之在於此也亦何能 不已於治雖得計其聲譽未為美闕而從人於治雖失 事者或州郡有所不便往來者有所不安而長吏執之 郡之毀譽聽往來之浮言耳亦皆得其事實而課其能 之可免於患皆將不念盡心於邱民而夢想於聲譽此 者亦以其不得久安之故知惠益不得成於己而茍且 否也长吏之所以為佳者奉法也憂公也郵民也此三 非所以為政之本意也今之所以為點陟者近頗以州

欽定四庫全書

三國志文類

事者皆以户口率以墾田之多少及盗賊發興民之亡 能之人無名無損法之一行雖無部司之監姦譽妄毀 叛者為得負之計如此行之則無能之吏脩名無益有 課之能三年総計乃加點陟課之皆當以事不得依名 不去本而就末哉以為長吏皆宜使小久足使自展歲 可得而盡事上太祖甚善之 盧毓駁葉市奏字子家崔琰舉為 未罪 與夫相見大理奏棄市毓及妻子亡士妻白等始適 三 重州 士主 Ð 菏

等皆受聘禮已入門庭刑之為可殺之為重太祖曰 悲死有非婦之痛而吏議欲肆之大辟則若同牢合卺 執之是也又引經典有意使孤嘆息 比也又書云與其殺不辜寧失不經恐過重也茍以白 而死歸整女氏之黨以未成婦也今白等生有未見之 君子我心傷悲亦既見止我心則夷又禮未廟見之婦 夫女子之情以接见而恩生成婦而義重故詩云未見 之後罪何所加且記曰附從輕言附人之罪以輕者為

1. 銀定四庫全書

とこりを 使與百姓爭利其五欲絕侈靡務崇節儉令衣服有章 直廢無防而空論能否也其三欲令居官者久於其職 上下有似儲穀蓄帛反民於撲部書 有治績則就增位賜爵其四欲約官實禄勵士蔗恥不 其二欲用考試考試循準繩也未有捨準繩而意正曲 欲崇道寫學抑絕浮華使國子入太學而脩庠序 王昶陳治略五事問大臣得失祖陳治器五王祖陳治略五事司馬宣王既誅曹夷乃奏 1.1.7 三國志文類 事

金完四月在書 國志文類卷十

欽定四庫全書三國意文類卷十監

集部

校對官中書臣王 總校官原任中九臣王 燕緒 膳 銀 生臣徐步青

琼

詳校官中書臣程 照

助教臣常循覆勘

人工日日上午中日 復國權窮玄極亂社稷幾危非 A Table to the Control of 三國志文類 而上官逆謀皆馬世龍籍 為漢中王表於漢帝 七賢而四國作難高后 漢中之地羣臣馬起 八舜周公朱 虚博陸則

然情發與車騎將軍董承同謀誅操將安國家克寧舊 城亭侯備受朝爵秩念在輸力以殉國難親其機兆赫 寫執天衡皇后太子鴆殺見害剥亂天下殘毁民物久 皇極欲盜神器左將軍領司隸校尉豫荆益三州牧宜 都會承機事不密令操游魔得遂長惡殘泯海內臣等 令陛下家塵憂厄幽處虚邑人神無主遏絕王命厭昧 那而遭厄運不造之艱董卓首難荡覆京畿曹操階禍 不能流放禽討安危定傾伏惟陛下誕安聖徳統理萬

金石口尼石雪

中興限於山河位同權均不能相率成推實融以為元 萬世也奉辭在外禮命斷絕昔河西太守梁統等值漢 次主 四車全事 藩翰心存國家念在拜亂自操破於漢中海內英雄望 每懼王室大有閻樂之禍小有安定之變風夜惴惴戰 折諸日之難而成太宗之基臣等以備肺腑枝葉宗子 慄累息昔在虞書敦序九族周監二代封建同姓詩著 風蟻附而爵號不顯九錫未加非所以鎮衛社稷光的 其義歷載長久漢與之初割裂疆土尊王子弟是以卒

然後功成事立臣等退伏矯罪雖死無恨 臣以具臣之才荷上將之任董督三軍奉辭于外不能 依漢初諸侯王故典夫權宜之制尚利社稷專之可也 合同盟掃滅凶逆以漢中巴蜀廣漢犍為為國所署置 心臣等軟依舊典封備漢中王拜大司馬董齊六軍糾 天下內殘羣寮朝廷有蕭牆之危而樂侮未建可為寒 帥卒立效績摧破隗嚣今社稷之難急於隴蜀操外吞 先主上漢帝表

タリノ ノノショ

一操久未泉除侵擅國權恣心極亂臣昔與車騎將軍董 少人を四事とはヨ 一三日志文類 盟念在奮力懦弱不武歷年未效常恐殞沒狐負國恩 果遂得使操窮凶極逆主后戮殺皇子鳩害雖糾合同 承圖謀討操機事不密承見陷害臣播越失據忠義不 一或忠義奮討或上天降罰暴逆並殪以漸冰消惟獨曹 掃除冠難靖匡王室久使陛下聖教陵遅六合之內否 之後羣光縱橫殘剥海內賴陛下聖德威靈人臣同應 而未泰惟憂反側疢如疾首曩者董卓造為亂陷自是

陳力未效所獲已過不宜復忝高位以重罪該羣家見 上臣大司馬漢中王臣伏自三省受國厚恩荷任一方 **一寒盜已顯既宗室微弱帝族無位斟酌古式依假權宜** 斬諸日以安太宗今操惡直醜正定繁有徒包藏禍心 實賴晉鄭夾輔之福高祖龍與尊王子弟大於九國卒 一族無明厲翼五帝損益此道不廢周監二代並建諸姬 逼迫臣以義臣退惟冠賊不梟國難未已宗廟傾危社 寤寐永歎夕惕若厲今臣羣寮以為在昔虞書敦叙九

義應天順時撲討凶逆以寧社稷以報萬分謹拜章因 責重驚怖累息如臨于谷盡力輸誠與厲六師率齊羣 受印璽以崇國威仰惟爵號位高龍厚俯思報效憂深 雖赴水火所不得辭敢應常宜以防後悔颠順眾議拜 稷將墜成臣憂責碎首之負若應權通變以寧靖聖朝 臣壽等言臣前在著作郎侍中領中書監齊北侯臣首 一還所假左將軍宜城亭侯印綬 陳壽進諸葛氏集表 1.1. 三國志文斯

欽定四庫全書 時左將軍劉備以亮有殊量乃三顧亮於草廬之中 遭漢末擾亂隨叔父玄避難判州躬耕于野不求聞達 誠是大晉光明至德澤被無疆自古已來未之有倫也 **助中書令關內侯臣和婚奏使臣定故蜀丞相諸葛亮** 深謂備雄姿傑出遂解帶寫誠厚相結納及魏武帝 故事亮毗佐危國負阻不實然循存録其言恥善有遺 有逸羣之才英霸之器身長八尺容貌甚偉時人異馬 興刑除複重隨類相從凡為二十四篇篇名如右亮以

東之於是外連東吳內平南越立法施度整理戎旅工 時年二十七乃建奇策身使孫權求援吳會權既宿服 征荆州劉琛舉州委質而備失勢聚寡無立錐之地亮 械技巧物究其極科教嚴明賞罰必信無惡不懲無善 為丞相録尚書事及備祖沒嗣子幼弱事無巨細亮皆 西取益州益州既定以亮為軍師將軍備稱尊號拜亮 用與武帝交戰大破其軍乗勝克捷江南悉平後備又 仰備又覩亮竒雅甚敬重之即遣兵三萬人以助備備得 人とり日本とき 三国志文類

然亮才於治我為長奇謀為短理民之幹優於將畧而 海退欲跨陵邊疆震蕩宇內又自以為無身之日則未 所與對敵或值人傑加衆寡不侔攻守異體故雖連年 金グロんとこ 己之長未能無有故也亮之器能政理抑亦管蕭之亞 動衆未能有克昔蕭何薦韓信管仲舉王子城父皆忖 有能蹈涉中原抗衡上國者是以用兵不戢屢耀其武 不顯至於吏不容奸人懷自厲道不拾遺強不侵弱風 化肅然也當此之時亮之素志進欲龍驤虎視包括四

怪亮文采不豔而過於丁寧周至臣愚以為咎蘇大賢 也周公聖人也考之尚書各縣之暮略而雅周公之語 道使民雖勞不怨以生道殺人雖死不忿信矣論者或 匹也而時之名將無城父韓信故使功業陵遲大義不 之該名公鄭人之歌子產無以遠譬也孟軻有云以逸 以為口實至今梁益之民咨述亮者言猶在耳雖甘常 眾出武功分兵屯田為久駐之基其秋病卒黎庶追思 及邪蓋天命有歸不可以智力爭也青龍二年春亮的

· 亮所與言盡眾人凡士故其文指不得及遠也然其聲 欽定四庫全書 教遺言皆經事綜物公誠之心形于文墨足以知其人 煩而悉何則咎繇與舜禹共譚周公與羣下矢誓故也 通之道也謹録寫上請著作 故雖敵國誹謗之言咸肆其辭而無所革諱所以明大 /意理而有補於當世伏惟陛下邁蹤古聖蕩然無忌 諸葛亮廢李平表以中都該署府事亮軍和 ****** 私忠喻旨呼亮來還亮承以中事夏秋之際值天霖雨運粮

行之際倡臣取利也是以表平子豐督主江州除崇其 來意而求以五郡為巴州剌史去年臣欲西征欲令巫 之事臣當北出欲得平兵以鎮漢中平窮難縱橫無有 自先帝崩後平所在治家尚為小惠安身求名無愛國 主督漢中平說司馬懿等開府辟召臣知平 廢平為民 こりにして 平群窮情竭首謝罪負於是與戰 亮具出前後手筆書疏亮不進之徒也又表後主説 之愆也又表後,既足何以便歸; 都情欲因

臣聞周人懷召伯之德甘常為之不伐越王思范蠡之 若事稽留將至禍敗是臣不敬言多增咎 若褒之然謂平情在於榮利而已不意平心顛倒乃爾 欽定匹庫全書 臣待平之厚也正以大事未定漢室傾危伐平之短莫 遇以取一時之務平至之日都委諸事羣臣上下皆怪 為可聽立廟於成都者後主不從步兵校 姓遂因時節私祭之於道陌上言事者或習隆乞立諸葛亮廟表廟朝議以禮秩不聽 充等共上表日 卷十

崇正禮於是始從之 時賜祭凡其臣故吏欲奉祠者皆限至廟斷其私祀以 疑也臣愚以為冝因近其墓立之於沔陽使所親屬以 戎夷野祀非所以存徳念功述追在昔者也今若盡順 者多矣况亮德範遐邇敷盖季世興王室之不壞實斯 人是賴而蒸嘗止於私門廟像閥而莫立使百姓卷祭 民心則瀆而無典建之京師又偏宗廟此聖懷所以為 功鑄金以存其像自漢與已來小善小德而圖形立廟

識微浮於五湖谷犯謝罪逡巡於河上夫際會之間請 佐之器外無將領之才列次功臣誠自愧也臣聞范蠡 欽定四庫全書 命乞身何則欲絜去就之分也况臣卑鄙無元功巨勲 臣猶自知况於君乎今王朝以與英俊麟集臣內無輔 吳楚是以有為之士深觀歸趣臣委質已來愆戾山積 伏惟殿下將建伊日之業追桓文之功大事草創假勢 自繫於時竊慕前賢早思遠恥昔申生至孝見疑於親 孟達辭先主表 三日ハス半

悟愍臣之心悼臣之舉臣誠小人不能始終知而為之 遭讒佞臣每讀其書未嘗不慷慨流涕而親當其事益 於君子願君王勉之也 敢謂非罪臣每聞交絕無惡聲去臣無怨辭臣過奉教 自致房陵上庸而復乞身自放於外伏想殿下聖恩感 以傷絕何者荆州覆敗大臣失節百無一還惟臣尋事 子胥至忠見誅於君蒙恬拓境而被大刑樂毅破齊而

三國志文類卷十一					一欽定四庫全書
器		1		į	人
7					
-					卷十一三四志文数
					文数
	1				

.

欽定四庫全書 漢承秦弊天下新定大國之王臣節未盡以蕭張之謀 臣闻枝大者披心尾大者不掉有國有家之所慎也昔 不備録之至使六王前後反叛已而伐之戎車不報又 吳 二國志文類卷十二 魏三公陳孫權罪惡請免官削土奏

帝令乘未得報許擅取襄陽及見驅逐乃更折節邪辟 于禁敗於水災等當討羽因以委權先帝委裘下席權 相規何逐利見便挾為甲辭先帝知權姦以求用時以 不盡心誠在惻怛欲因大喪寡弱王室希託董桃傅先 長含鸱梟反逆之性背棄天施罪惡積大復與關羽更 尺寸之功遭遇兵亂因父兄之緒少家翼卵育伏之思 憂蓋前事之不忘後事之師也吳王孫權幼豎小子無 文景守成忘戰戰役縣級吳楚養他成她既為社稷大

 欽定四庫全書

|權吉自以阻帶江湖頁固不服狃挾累世詐偽成功ト 量不世之恩臣每見所下權前後表章又以愚意採察 備九命名馬百駟以成其勢光罷顯赫古今無二權為 之姦外欲緩誅支仰蜀賊聖朝含弘既加不忍優而赦 之態巧言如流雖重驛累使發遣禁等內包隗囂顧望 犬羊之姿横被虎豹之文不思盡力致死之節以報無 之與之更始猥乃割地王之使南面稱狐燕官累位禮 有尉佗英布之計下誦伍被屈彊之辭終非不侵不叛

靈明白非仁恩所養宇宙所容臣請免權官鴻臚削爵 一欽定四庫全書 土捕治罪敢有不從移兵進討以明國典好惡之常以 昔九黎亂德黃帝加誅項羽罪十漢祖不拾權所犯罪 謹考之周禮九伐之法平權凶惡逆節萌生見罪十五 之臣以為晁錯不發削弱王侯之謀則七國同衡禍久 静三州元元之苦其十五條文多不載 而大蒯通不決襲歷下之策則田横自慮罪深變重臣 虞亂上易注二奏 三里八寸里

臣聞六經之始莫大陰陽是以伏羲仰天縣象而建八 經於袍鼓之間講論於戎馬之上蒙先師之說依經立 玩童句雖有秘説於經疏闊臣生遇世亂長於軍旅習 受本於鳳最有舊書世傳其業至臣五世前人通講多 卦觀變動六爻為六十四以通神明以類萬物臣髙祖 注又臣郡吏陳桃夢臣與道士相遇放髮被鹿裘布易 述其業至臣祖父鳳為之最密臣亡考故日南太守散 父故零陵太守光少治孟氏易曾祖父故平與令成績 三関む文類

一欽定匹庫全書 六爻捷其三以飲臣臣乞盡吞之道士言易道在天三 解之率少至孝靈之際顏川首請號為知易臣得其注 經之大者莫過於易自漢初以來海內英才其讀易者 鳳之道矣謹正書副上惟不罪戾 爻足矣豈臣受命應當知經所覽諸家解不離流俗義 下治聖人南面盖取諸離斯誠天子所宜惕陰陽致麟 有不當實輒悉改定以就其正孔子曰乾元用九而天 又奏

馬融名有俊才其所解釋復不及請孔子曰可與共學 美大衍四象之作而上為章首尤可怪笑又南郡太守 鄭玄解尚書違失事因臣聞周公制禮以辯上下孔子 立注忠小差玄而皆未得其門難以示世 未可與適道豈不其然若乃比海鄭玄南陽宋忠雖各 有愈俗儒至所説西南得朋東北喪朋顛倒反逆了不 Ja. Jount Zithio 可知孔子數易日知變化之道者其知神之所為乎以 又上書注奏 三國志文類

成事洮字虚更作濯以成其非又古大篆卯字讀當為 訓為杯謂之酒杯成王疾因憑几洮獨為濯以為澣衣 書以顧命康王執瑁古月似同從誤作同既不覺定復 尊君甲臣禮之大同也伏見故後士北海鄭玄所注尚 曰有君臣然後有上下有上下然後禮義有所錯是故 以朝诸侯謂之酒杯天子瀕面謂之澣衣古篆卯字反 言北猶別也若此之類誠可怪也玉人職曰天子執瑁 柳古柳卯同字而以為昧分北三苗北古别字又訓北

以為味甚違不知盖闕之義於此數事誤莫大馬宜命 學官定此三事又馬融訓注亦以為同者大同天下今 經益金就作銅字詁訓言天子副頭雖皆不得猶愈於 莫或奏正又玄所注五經違義尤甚者百六十七事不 玄然此不定臣沒之後而奮乎百世雖世有知者懷讓 |語死以青蠅為弔客使天下一人知己者足以不恨以 自恨疏節骨體不媚犯上獲罪當長沒海隅生無可與 可不正行乎學校傅乎将來臣竊恥之翻放棄南方去 , Ja. Joine Jetin 三國志文類

典籍自慰依易 設象以占吉 函叉以宋氏解玄頗有終 多玩四库全書 **錯更為立法并著明揚釋宋以理其滯** 苦高宗以諒闇昌殷祚於再與成王以幼沖隆周德於 太平功冒溥天聲貫問極今陛下以聰明之姿等契往 張温使蜀拜章 亮之心必無神處屈伸之 氏通 意 疑宜 遠出恐諸葛孔明字惠恕時使蜀權 受朝廷天覆之惠非 温至蜀詣 然諸葛亮 開拜章日 謂温 不知吾所 除便 臣

謹奉所齊函書一封 境及即近郊頻家勞來恩詔輒加以榮自懼悚怛若驚 規有如河水軍事興煩使役乏少是以忍鄙倍之蓋使 古總百揆於良佐參列精之炳耀遐邇望風莫不欣賴 伏惟殿下天生明徳神啓聖心招髦秀於四方置俊 吳國勤任旅力清澄江滸願與有道平一宇內委心恊 い人でしていませんです 下臣温通致情好陛下敦崇禮義未便恥忽臣自入遠 駱統理張温表 三國志文類

當詳辯明朝所當究察也昔賈誼至忠之臣也漢文大 名者嫉其才玄點者非其譚瑕纍者諱其議此臣下所 於宫廟多士既受普篤之思張温又家最隆之施而温 明之君也然而絳灌一言賈誼遠退何者疾之者深諧 之才元臧否之談效褒貶之議於是務勢者如其寵爭 問為國觀聽深知其狀故密陳其理温實心無他情事 自招罪譴狐頁榮遇念其如此誠可悲疚然臣周旋之 無逆迹但年紀尚少鎮重尚淺而戴赫烈之寵體卓偉

金人巴尼人可是

世世人未有及之者也故論温才即可惜言罪則可恕 之素英秀之他文章之采論議之辨卓躁冠羣煒煜曜 之者巧也然而誤聞於天下失彰於後世故孔子白為 者忍威烈以放盛德有賢才以敦大業固明朝之休光 君難為臣不易也温雖智非縱橫武非處虎然其弘雅 四方之麗觀也國家之於暨監不内之忌族猶等之平 民是故先見用於朱治次見舉於眾人中見任於明朝 亦見交於温也君臣之義義之最重朋友之交交之最 三四き文類

蜀共譽殷禮雖臣無境外之交亦有可原也境外之交 自錯落功不副言然計其送兵以比許晏數之多少温 温念在欲取宿惡以除勁冠之害而增健兵之銳也但 宿惡之民放逸山險則為勁冠將置平土則為健兵故 **豔為最輕之交也時世寵之於上温竊親之於下也夫** 及秋冬之月赴有警之期不敢忘思而遺力也温之到 不減之用之強贏温不下之至於遲速温不後之故得

金元四庫全書

輕者也國家不嫌於豔為最重之義是以温亦不嫌與

若譽禮能使彼歎之誠所以昭我臣之多良明使之得 欲知其君觀其所使見其下之明明知其上之赫赫温 既修君好因叙己情亦使臣之道也故孔子使鄰國則 謂無君命而私相從非國事而陰相聞者也若以命行 というなりとは 史於趙鞅亦向他國之輔而數本那之臣經傳美之以 盟于宋也稱隨會於屈建楚王孫圉之使于晉也譽左 有私覿之禮季子聘諸夏亦有燕譚之義也古人有言 八顯國美於異境揚君命於他邦是以晉趙文子之 三國志文類

金人口压力 動當事不堪温數對以醌色彈以急聲若其誠欲賣恩 彈之不私推之不假於是與靖遂為大怨此其盡節之 光國而不識之以外交也王靖內不憂時外不超事温 作亂則亦不必貪原也凡此數者校之於事既不合參 不容私以安於靖豈敢賣恩以協原康邪又原在職不 明驗也靖兵眾之勢幹任之用皆勝於賈原將康温尚 之於衆亦不驗臣竊念人君雖有聖哲之姿非常之智 人之身御兆民之衆從唇宫之内雖四國之外

濶辭則俱巧意則俱至各自言欲為國誰其言欲為私 |之言以廣聰明之烈今者人非温既慇乾臣是温又契 照羣下之情求萬機之理猶未易周也固當聽察羣下 哉温非親臣臣非愛温者也昔之君子皆抑私忿以增 若潛神留思纖粗研核情何嫌而不宣事何昧而不的 倉卒之間猶難即別然以殿下之聰 叡察講論之曲直 日納愚言於聖聽實盡心於明朝非有念於温身也權 君明彼獨行之於前臣恥廢之於後故遂發宿懷於今

·吐奇舉善上以光賛洪化下以輸展萬一憂心如摶假 終不納 金克匹庫全書 方北有逋冠固阻河洛久稽王誅自擅朔土臣會不能 假使得之懼不可信不如令臣譎体於計為便此臣得 者令與北通臣伏思惟喜怖交集竊恐此人不可卒得 賊休恨不如計令於郡界求山谷魁帥為北賊所聞知 寐忘寢聖朝天覆含臣無效猥發優命敕臣以前誘致 周魴誘曹休密表

謨欲必致休於步度之中靈賛聖規休必自送使六軍 加卒奉大略公隊狼損懼以輕愚為負特施豫懷憂灼 撰立機草以誑誘休者如别紙臣知無古人單複之你 以經年之其願逢值千載之一會輒自督竭竭盡頑蔽 **茂草惺於淺局追用陳息被報拖** 臣聞唐堯先天而天弗違博詢芻養以成盛煎朝廷神 囊括虜無子遺威風電邁天下幸甚謹拜表以聞并呈 くろうりゅう という 陸凱切諫孫皓將亡表知其将亡上表云於淺局追用快息世無難重滿道徑來入 三國志文類

義而有積惡之漸臣深憂之此禍兆見矣故略陳其要 思聞警戒詩美其徳士悦其行臣察陛下無思警戒之 古人懼不聞非故設進善之旌立敢諫之鼓武公九十 臣聞惡不可積過不可長積惡長過喪亂之源也是以 疑上骨肉相克公子相奔臣雖愚問於天命以心審之 **馬盡愚懷陛下宜克已復禮述修前德不可指棄臣言** 敗不過二十稔也臣常忿亡國之人夏桀殷紂亦不可 而放答意意奢情至更日欺民民離則上不信下下常

遇陛下不能循俗與衆沉浮若比干伍員以忠見戮以 使後人復忿陛下也臣受國恩奉朝三世復以餘年值 正見疑自謂畢足無所餘恨灰身泉壤無負先帝願陛 奉宣朝恩流民歸附海隅肅清蒼梧南海歲有舊風障 **氣之害風則折木飛砂轉石氣則霧鬱飛鳥不經自盾 焆天姿聰朗才通行潔昔歷選曹遺迹可紀還在交州** 下九思社稷存焉 華覈薦陸焆表 三國志文類

海海流秋鹹盾又畜水民得甘食惠風横被化感人神 至州風氣絶息商旅平行民無疾疫田稼豐稔州治臨 多玩匠库全書 遂憑天威招合遺散至被詔書當出民感其恩以忘惡 土負老攜幼甘心景從衆無攜貳不煩兵衛自諸將合 無文甲犀象之珍方之今臣實難多得宜在華報股防 聚皆齊之以威未有如消結以恩信者也銜命在州十 王室以賛唐虞康哉之頌江邊任輕不盡其才虎林選 有餘年實帶殊俗寶玩所生而內無粉黛附珠之妾家

熙矣 督堪之者衆若召還都寵以上司則天工畢修庶績成 華敷上魏并蜀表時蜀為魏所并

此必垂哀悼臣不勝忡悵之情謹拜表以聞 之國臣以草芥竊懷不寧陛下聖仁恩澤遠撫卒聞如 桓公存之今道里長遠不可救振失委附之土棄貢獻 表至成都不守臣主播越社稷傾覆昔衛為程所滅而 間聞賊衆蟻聚向西境西境戴險謂當無虞定聞陸抗

とこりられたから

三因志文斯

	三國志文類卷十二						金少口尼人事
	松十						d.
	ニ						卷十二
!							
							_
		<u> </u>	<u></u>	<u></u>			

欽定四庫全書 望高位庶幾顯達會董卓作亂義當死難故敢奮身出 臣家先帝厚恩致位郎署受性疲殆意望畢足非敢希 魏 推鋒率眾遂值干載之運奉役目下當二表炎沸 二國志文類卷十三 ういし こよう 書疏 太祖謝九錫書 三國忠文順

發盛意開國備錫以則愚臣地比齊會禮同藩王非臣 保持列侯遺付子孫自托聖世永無憂責不意陛下 禄豐大弘厚生平之願實不望也口與心計幸且待罪 夷滅得使微臣竊名其間陛下加恩授以上相封爵寵 梅之際陛下與臣寒心同憂顧瞻京師進受猛敵常恐 心俯仰偪迫伏自惟省列在大臣命制王室身非己有 君臣俱陷虎口臣不自意能全首領賴祖宗靈佑醜類 無功所宜膺據歸情上聞不蒙聽許嚴詔切至誠使臣

一致灾四难全書

王者之伐自古在昔未有不揚威以拜亂震武以止暴 豈敢自私遂其愚意亦將點退令就初服今奉疆土備 鹿坂泉三苗之野有五帝之師有愿鬼方商奄四國有 盡命報塞厚恩天威在賴悚懼受詔 數藩翰非敢遠期應有後世至於父子相誓終身灰軀 臣聞懷遠柔服非徳不集克難平亂非兵不濟是以涿 a Ja Marine Jakin 陶謙上太祖未可罷兵書時曹公父於泰山被 時罷兵讌被詔乃上書而畏其強刀表令州郡 三國志文題

蔓非所以強蘇弱枝過惡止亂之務也臣雖愚蔽忠恕 冠惟力是視入宣德澤躬奉職事其弘微勞以贖罪員 不的抱恩念報所不忍行輒勒部曲申令警備出英運 **罷明日難必至上忝朝廷寵授之本下令羣凶日月滋** 畏死父兄殱殪子弟羣起治屯連兵至今為忠若承命 **動戒奉宣威靈敬行天誅每伐軸克然妖冠類聚殊不** 者也臣前初以黄巾亂治受策長驅匪遑啟處雖憲童 解甲弱國自虛釋武備以資亂損官威以益冠今日兵

一致定四库全書

伏惟先王功無與比而今能言之類不稱為德故聖人 肯用訊今大王體則乾坤廣開四聰使賢愚各建所規 嘆無日敢寧誠思貢獻必至薦羞獲通然後銷鋒解甲 日得百姓之歡心兵書曰戰危事也是以六國力戰種 臣之願也臣前調穀百萬斛己在水次輔勃兵衛送 又日華夏沸擾于今未拜包茅不入職貢多闕寤寐憂 久己り事をは 臣聞文王與紂之事是時天下括囊無咎凡百君子莫 霍性諫南征疏親王将出征度支中郎 三國志文類

累卵昔夏政隱神三年易有不遠而復論有不憚改誠 者凶器必有凶擾擾則思亂亂出不意臣謂此危危於 金ピクロアノミラ **諛近福切感所誦危而不持** 沐浴先王之遇又初改政復受重任雖知言觸龍鱗 願大王揆古察今深謀遠慮與三事大夫算其長短臣 泰承弊豳王不爭周道用與愚謂大王且當委重本朝 而守其雌抗威虎卧功業可成而今椒基便復起兵兵 傅幹言征孫權疏

次とですとはヨー 修文以濟之則普天之下無思不服矣今舉十萬之衆 與學校以導其善性而長其義節公神武震於四海若 若此則內外之心固有功者勸而天下制定矣然後漸 思以為可且按甲寢兵息軍養士分土定封論功行賞 也吳有長江之險蜀有崇山之阻難以威服易以德懷 **徳威徳足以相齊而後王道備矣往者天下大亂上下** 治天下之大具有二文與武也用武則先威用文則先 失序明公用武攘之十平其九令未承王命者吳與蜀

無功 ヨリモルノニ 臣伏見詔書諸士女嫁非士者 思虞舜舞干戚之義全威養徳以道制勝公不從軍遂 頓之長江之 **變無所用其權則大威有屈而敵心未能服矣唯公明** 之披庭乃上書諫簡選其有姿色者 為 飾 /濱若賊負固深藏則士馬不得逞其能奇 吏賜 一録奪士女書 诫 民妻者還以配士既以與無度都藏坐竭又 卷十三 汋 而帝成 切録奪以配戰士 聽録興蜀 以奪官數生士室動 於出 ح

生口年紀顔色與妻相當者自代故富者則傾家盡産 所以殊貴賤也吏屬君子士為小人今奪彼與此無以其 子也百姓吏民亦陛下之子也禮賜君子小人不同日 CALIFORNIA LINE 心而失妻者必有憂色或窮或愁皆不得志夫君有天 而實內之校庭其醜惡者乃出與士得婦者未必有惟 於奪兄之妻妻弟也於父母之恩偏矣又記書聽得以 質者舉假貸買費買生口以贖其妻縣官以配士為名 三因志文類

誠權時之宜然非大化之善者也臣請論之陛下天之

地為海封土為山賴是時天下為一莫敢與爭者耳自 横與內外交引其費半軍昔漢武帝好神仙信方士掘 金月四日全書 室陛下不兢兢業業念崇節約思所以安天下者而乃 流丹野割疾號痛之聲于今未已猶強冠在強圖危魏 衰亂以來四五十載馬不拾鞍士不釋甲每一交戰血 不給況復有宮庭非員無録之女椒房母后之家賞賜 下而不得萬姓之歡心者勘不危殆且軍師在外數千 日之費非徒千金舉天下之賦以奉此役猶將 卷十三

吳賊面縛蜀虜與觀不待誅而自服太平之路可計日 陛下沛然下詔萬機之事有無益而有損者悉除去之 · 充舜之節儉而為漢武之後事臣竊為陛下不取也願 盤斯誠快耳目之觀然亦足以騁冠響之心矣惜乎舍 人にりる上上日 一三国志文類 所疾而除其所惡實倉廩繕甲兵恪恭以臨天下如是 以所除無益之費厚賜將士父母妻子之飢寒者問民 奢靡是務中尚方統作玩弄之物炫耀後園建承露之 而待也陛下可無勞神思於海表軍師髙枕戰士備員

散騎奏臣書以聽諫篇為善記曰是也擢臣為太子舍 金げんじんろうし 不諫此為作書虚妄而不能言也臣年五十常恐至死 今羣公皆結舌而臣所以不敢不獻瞽言者臣昔上要言 無以報國是以投驅沒命冒昧以聞惟陛下裁察 人且臣作書譏為人臣不能諫静今有可諫之事而臣 即軍察皆負土成山樹竹雜木善草於其上捕 三丈餘置內殿前起土山於芳林園西北師使於司馬門外又鑄黃龍鳳凰各二龍高四丈鳳 致留于霸城大發銅鑄作銅人二號曰翁仲列 致留于霸城大發銅鑄作銅人二號曰翁仲列 可銅

というはれたける 於殿舍三公九卿侍中尚書天下至徳皆知非道而不 龍承露盤土山淵池此皆聖明之所不興也其功參倍 之猶宜隨時不妨農務况乃作無益之物黃龍鳳凰九 門殫户盡雖有存者遺孤老弱若今宫室狹小當廣大 **桀紂劉輔譬趙后於人婢天生忠直雖白刃沸湯往而** 不顧者誠為時主愛惜天下也建安以來野戰死亡或 臣聞古之直士盡言於國不避死亡故周昌比高祖於 里金狄或泣因留於霸城尋上書諫曰禽雜戰置其中初帝徒盤盤折聲聞數十 三國志文類

出必死而臣自比於牛之一毛生既無益死亦何損東 結使陰陽不和災害屢降凶惡之徒因間而起誰當為 陛下盡言是者乎又誰當干萬乘以死為戲乎臣知言 敢言者以陛下春秋方剛心畏雷霆今陛下既尊羣臣 無禮國何以立故夫君不君臣不臣上下不通心懷讃 無益甚非謂也孔子曰君使臣以禮臣事君以忠無忠 顯以冠冕被以文繡載以華輿所以異於小人而使穿 方舉土面目垢黑沾體塗足衣冠了鳥毀國之光以崇

槓聞荆山之璞曜元后之實隨侯之珠燭衆士之好南 垠之金登窈窕之首題貂之尾級侍從之情此四寶者 沐浴既通帝曰董尋不畏死邪主者奏收尋有的勿問 ・ こうこう ハトラ 後為貝丘令清省得民心 筆流涕心與世辭臣有八子臣死之後累陛下矣將奏 , 朽石之下潛汙泥之中而揚光干載之上發彩疇昔 例今雖取之勿無其不反也有答書曰物因人為貴故在賤者之手不御至尊之劉順答文帝書故借取以為像因書朝禎云夫劉順答文帝書文帝書賜禎廓落帶其後師死 三國志文領

修草必如嚴命誠知勞誠之素不貴殊異若彼之高而 修也貴者所御賤者所先也故夏屋初成而大匠先立 若實殊異尚可納也 初以尊卑有踰禮之常分也是以貪守區區之節不敢 其下嘉禾始熟而農夫先嘗其粒恨楨所帶無他妙飾 之外亦皆未能初自接於至尊也夫尊者所服卑者所 「屋如斯之好茍使郭隗不輕於燕九九不忽於爽 劉康谷文帝書主帝命真通草

都玩四月全書

			一 報何敢い 翻	樂毅自不
			前	王朝業以及
三 聲 50 之 氣				樂毅自至霸業以隆虧匹夫之節成巍巍之美雖愚不
, Z		-		戍魏巍之美 雖
				野愚不

三國志文類卷十三				欽定四庫全書
卷十三			-	*************************************
		•		
			·	,

臣聞傅說發夢以感殷宗吕尚啓兆以動周文以通神 欽定四庫全書 魏 悟於聖主用能匡佐帝業克成大勲臣之器朽實 國志文類卷十四 (雖貪清時釋體蟬蜕內省頑病日薄西山唯陛 夫寧上書以疾解不受 三陸志文明

發遣光龍並臻優命屢至怔營悚息悼心失圖思自陳 徳侔三皇化溢有唐久荷渥澤積祀一紀不能仰荅陛 臣海濱狐微罷農无伍禄運幸厚横蒙陛下篡承洪緒 凤宵戰怖無地自厝臣元年十一 下恩養之福沈委篤痾寢疾彌留逋違臣隷顛倒之節 下州郡八月甲申詔書徴臣更賜安車衣被茵蓐以禮 聴野人山藪之願使一老者得盡微命 管寧荅禮遣疏 月被公車司馬令所

際功無實融而家璽封之龍崇稅駕下荷棟梁之任垂 |為光禄煎躬東勞謙引喻周秦損上益下受詔之日精 聞中展愚情而明的抑割不令稍修重表是以鬱滯之 沒之命獲九棘之位懼有朱博鼓妖之青又年疾日侵 **腿飛散靡所投死臣重自省搭德非園綺而蒙安車之** 衣服別駕從事與郡功曹以禮發遣又特被至書以臣 年二月被州郡所下三年十二月辛酉詔書重賜安車 于今日誠謂乾覆恩有紀極不意靈潤彌以隆林奉今

寛放盤游滋侈義聲不聞哲人君子俄有色斯之志熊 為思此又近者之得失不可不深察也表族富強公子 盖聞盤于游田書之所戒會隱觀漁春秋機之此周孔之 金克匹库全書 格言二經之明義殷鑒夏后詩稱不遠子卯不樂禮以 庭謹拜童陳情乞蒙哀省抑恩聽放無令骸骨填於衢 有加無損不任扶與進路以塞元責望慕閱闔徘徊闕 崔琰陳雅書穿多服乘志在驅逐延上書諫 卷十四 獵

麗壯士墮於吞噬之用故所以擁徒百萬跨有河朔無 以塞衆望不令老臣獲罪於天 社稷之為重斯誠有識所以惻心也唯世子燔翳捐習 經國之高略內鑒近戒外揚遠節深惟儲副以身為寶 况公親御戎馬上下勞慘世子宜遵大路慎以行正思 所容足也今邦國於瘁惠康未治士女企踵所思者德 而猥襲虞旅之賤服忽馳騖而陵險志雉兔之小娱忘 人でいるという 世子報曰 三門志文類

帝手毀其表而竟行獵中道頓息問侍臣曰獵之為樂 惻隱有同古烈臣冀當繼蹤前代令萬世可則也如何 臣聞五帝三王靡不明本立教以孝治天下陛下仁 昨奉嘉命惠示雅疏欲使燔翳捐档翳已壞矣档亦去 馬後有此比蒙福誨諸 金月口尼台里 何 在諒闇之中修馳騁之事乎臣冒死以聞唯陛下察馬 如八音也侍中劉曄對曰獵勝於樂的抗辭曰夫 鮑動諫雅疏字級業文帝将 疏出

戲之言昔梁丘據取媚於遄臺聯之謂也請有司議罪 為務愚臣所不願也因奏劉瞱佞諛不忠阿順陛下過 莫善於樂况獵暴華盖於原野傷生育之至理櫛風沐 大魏受命繼蹤虞夏孝文革法不合古道先帝聖德固 雨不以時隙哉昔魯隱觀漁於棠春秋譏之雖陛下以 以清皇朝帝怒作色罷還即出動為右中郎將 上通神明下和人理隆治致化萬那咸乂故移風易俗 というほとき 鍾繇復肉刑疏 三國志文類

清問下民鰥寡有辭于苗此言堯當除蚩尤有苗之刑 先審問於下民之有辭者也若令蔽獄之時訊問三根 臣共議出本當右趾而入大辟者復行此刑書云皇帝 意借斬趾可以禁惡惜入死之無辜使明習律令與羣 古刑為一代法連有軍事遂未施行陛下遠追二祖遺 之其點剿左趾宫刑者自如孝文易髡笞能有姦者率 九棘羣吏萬民使如孝景之令其棄市欲斬右趾者許 天所縱墳與之業一以貫之是以繼世仍發明詔思復 金好四月子言 とことり日とはから 萬計臣欲復肉刑歲生三千人子貢問能濟民可謂仁 孝文之世下計所全歲三千人張倉除肉刑所殺歲以 之隆宜弘一代之治紹三王之迹雖有二城負險延命 兵亂以來週踰二紀大魏承天受命陛下以聖德當成康 遠乎哉我欲仁斯仁至矣若誠行之斯民永濟 乎孔子曰何事於仁必也聖乎堯舜其猶病諸又曰仁 年二十至四五十雖斬其足猶任生育今天下人少於 華飲征蜀疏太和中遣曹真從子午道代 三月志文類

惟陛下裁察帝報曰君深慮國計朕甚嘉之賊憑恃 後事且干里運糧非用兵之利越險深入無獨克之功 茍聖化日躋遠人懷德將稱負而至夫兵不得已而用 如聞今年徵後頗失農桑之業為國者以民為基民以 之故戢而時動臣誠願陛下先留心於治道以征伐為 大馬之命將盡恐不復奉望鑾蓋不敢不竭臣子之懷 不食為本使中國無飢寒之患百姓無離土之心則天 下幸甚二賊之 繫可坐而待也臣備位宰相老病日篤

金万口几人

大雨部真引軍還 諸將以為不 後出幄稱警而後踐墀張弧而後登輿清道而後奉引 夫帝王之居外則飾周衛內則重禁門將行則設兵而 天時未至周武還師乃前事之鑒朕敬不忘所戒時秋 てん コーユ とはら 列而後轉載靜室而後息駕皆所以顯至尊務戒慎 一祖勞於前世猶不克平朕豈敢自多謂必滅之哉 王朗諫雅疏传還官朗上疏諫 採取無由自弊是以觀兵以閱其繫若 三國志文類 南

警蹕之常法非萬乘之至慎也帝報曰覽表雖魏絲 情不副辭都護奏議以為宜遣侍子以點無禮且吳濞 虞箴以銀晉悼相如陳猛獸以戒漢武未足以喻方 昔南越守善嬰齊入侍遂為家嗣還君其國康居驕點 之戒已詔有司施行 垂法教也近日車駕出臨捕虎日昃而行及昏而反違 | 宼未殄將帥遠征故時入原野以習戎備至於夜 又諫東征疏東征朗上此疏諫 軍

金万四月在雪

卷十四

耕稼使泊然岩山澹然岩淵勢不可動計不可測是時 較别征諸將各明奉禁令以慎守所部外曜烈威内廣 殊無入志懼彼與論之未暢者並懷伊邑臣愚以為宜 為所動者至大所致者至細猶未足以為慶設其傲很 之言而未至今六軍戒嚴臣恐與人未暢聖古當謂國 人でいまれたはい 帝以成軍遂行權子不至車駕臨江而還 家愠於登之逋留是以為之興師設師行而登乃至則 一禍萌於子入隗嚣之叛亦不顧子往者聞權有遣子 三国志文類

其身以及家儉其家以施國用能囊括五湖席捲 成五服句踐欲廣其禦兒之疆馘夫差於姑蘇故亦約 之大患故乃先甲其宫室儉其衣食用能盡有九州弼 願陛下重留日昃之聽以計制冠昔大禹將欲拯天 使北行往返道路聞衆徭役其可得蠲除省減者甚多 陛下即位已來恩詔屢布百姓萬民莫不欣欣臣頃奉 金月口尼石雪目 取威中國定霸華夏漢之文景亦欲恢弘祖業增崇洪 又言修管官室疏明帝即位朗見百姓或有不足 卷十四

とこりはとき 滅不治第宅明邱遠者略近事外者簡內自漢之初及 緒故能割意於百金之臺昭儉於弋鄉之服內減太官 今當建始之前足用列朝會崇華之後足用序內官華 其中與皆於金革略寢之後然後鳳闕猥閱德陽並起 積素足故能遂成大功霍去病中才之將猶以匈奴未 而不受貢獻外省徭賦而務農桑用能號稱昇平幾致 林天淵足用展游宴若且先成閶闔之象魏使足用列 刑錯孝武之所以能奮其軍勢拓其外境誠因祖考畜 三国志文類

樹聖德無以相過比其孫子之作則不相如盖生育有 昔周文十五而有武王遂享十子之祚以廣諸姬之肖 金只四月子言 武王既老而生成王成王是以鮮於兄弟此二王者各 切且須豐年 遠人之朝貢者修城池使足用絕踰越成國險其餘 曠户口滋息民充兵殭而冠戎不賓緝熙不作未之有 又言屢失皇子疏時屢失皇子而後 以勤耕農為務習或備為事則國無怨 卷十四 宫 日

えかられたます! 在於務廣也老臣慢慢願國家同祚於軒轅之五五而 時於吉館者或甚鮮明百斯男之本誠在於一意不但 繁於掖庭之衆室以成王為喻雖未為晚取譬伯色則 早晚所産有衆寡也陛下既徳祚兼彼二聖春秋高於 未及周文之二五用為伊邑且少小常苦被褥泰温泰 姬文育武之時矣而子發未舉於椒蘭之與房藩王未 不為夙周禮六宫內官百二十人而諸經常説成以十 二為限至於秦漢之末或以干為數矣然雖彌猥而就 三國志文類

比壽於南山矣帝報曰夫忠至者辭為愛重者言深君 常令少小之緼袍不至於甚厚則必咸保金石之性而 温則不能便柔膚弱體是以難可防護而易用感慨者 金好四月百十 國志文類卷十四 一手筆將順三復德音欣然無量朕繼嗣 **欽納至言思聞良規** 卷十四

欽定四庫全書三國為文類卷十種

詳校官中書臣星 照

助教臣常循覆勘

集部

校對官中書臣王

瑱

總校官原任中先臣王燕緒

腾 録 監 生臣徐步青

していうこう たいれら 三國志文類 以霖南山坂峻滑衆逼而不 然蘇後爨師不宿飽此 阻除整路而前則其 上司 疏馬

知時通於權變者哉兆民知聖上以水雨艱劇之故休 還論之近事則武文征權臨江而不濟豈非所謂順天 勞乃兵家之所憚也言之前代則武王伐紂出關而復 超只四月全書 而行裁半谷治道功夫戰士悉作是賊偏得以逸而待 展糧縣而難繼實行軍者之大忌也聞曹真發已踰月 而息之後日有釁乘而用之則所謂悦以犯難民忘其 处者矣於是遂罷 王肅陳政本疏 卷十五

以定四庫全書 内帝命而已夏殷不可得而詳甘誓曰六事之人明六 志勸進仕之志勸各展才力莫相倚仗敷奏以言明武 武當今之所宜也官寡而禄厚則公家之費鮮進仕之 御亦典事者也周官則備矣五日視朝公卿大夫並進 命公卿各以其事然後惟龍為納言猶令尚書也以出 以功能之與否簡在帝心是以唐虞之設官分職申 官必有職職任其事事必受禄禄代其耕乃往古之常 除無事之位損不急之禄止浮食之費拜從容之官使 三國志文類 . . .

大魏承百王之極生民無幾干戈未戢誠宜息民而惠 敌高祖躬追反走之周昌武帝遥可奉奏之汲黯宣帝 復興光宣聖緒誠所謂名美而實厚者也 遂關可復五日視朝之儀使公卿尚書各以事進廢禮 使公卿五日一 之謂之士大夫及漢之初擬前代公卿皆親以事升朝 而司士辨其位馬其記曰坐而論道謂之王公作而行 王肅諫修營宫室疏 一朝成帝始置尚書五人自是陵遅朝禮

者衆舊穀既沒新穀莫繼斯則有國之大患而非備豫 役而勤稼穑今宫室未就功業未託運漕調發轉相供 次定四里全書 四 大方向盛寒疾疾或作誠願陛下發德音下明詔深愍 之長策也今見作者三四萬人九龍可以安聖體其內 奉是以丁夫疲於力作農者離其南畝種穀者寡食穀 之以安静遐邇之時也夫務畜積而息疲民在於省徭 足以列六宫顯陽之殿又向將畢惟泰極已前功夫尚 役夫之疲勞厚矜兆民之不瞻取常食廪之士非急要 三团志文類

之重耳欲用其民先示以信是故原雖將降顧信而歸 仲尼曰自古皆有死民非信不立夫區區之晉國微微 十萬夫亦不為少當一歲成者聽且三年分遣其餘使 者之用選其丁壯擇留萬人使一期而更之咸知息代 功不立以此行化何化不成夫信之於民國家大寶也 **皆即農無窮之計也倉有溢栗民有餘力以此與功何** 有日則莫不悦以即事勞而不怨矣計一歲有三百六 ヨリモノノニュ 一戰而霸于今見稱前車駕當幸洛陽發民為營

軻稱殺一無辜以取天下仁者不為也漢時有犯蹕驚 命至重難生易殺氣絕而不續者也是以聖賢重之孟 暴其罪釣其死也無使汙于宫掖而為遠近所疑且人 之人也然聚庶不知謂為倉卒故願陛下下之於吏而 後倘復使民宜明其令使必如期若有事以次寧復更 有司命以營成而罷既成而又利其功力不以時遣有 發無或失信凡陛下臨時之所行刑皆有罪之吏宜死 んこり日とは 司徒營其目前之利不顧經國之體臣愚以為自今已 三國志文類

誦之士稱之言猶不戲而況行之乎故釋之之言不可 為君不忠之甚也周公曰天子無戲言言則史書之工 之天下用法皆為輕重民安所措其手足臣以為大失 失平而天子之身反可以惑謬乎斯重於為己而輕於 其義非忠臣所宜陳也廷尉者天子之吏也猶不可以 日方其時上使誅之則已今下廷尉廷尉天下之平也一傾 乘輿馬者廷尉張釋之奏使罰金文帝怪其輕而釋之 不察周公之戒不可不法也又陳諸鳥獸無用之物而

金月口尼台里

職之功下不務分外之賞吏無無統之勢民無二事之 松晉侯其子不聴 死人横於街路那吉不問上不責非 聲明試以功九載考績各修厥業思不出位故藥書欲 KIND OF STATES 役斯誠為國要道治亂所由也遠覽典志近觀秦漢雖 周禮云設官分職以為民極春秋傅曰天有十日人有 有弱穀人徒之費皆可蠲除 十等愚不得臨賢賤不得臨貴於是並建聖哲樹之風 程晓言校事放横疏時校事故 三國志文類

一樣成於門下不顧覆訊其選官屬以謹慎為粗疏以說 職無分限隨意任情唯心所適法造於筆端不依科的 世之權冝非帝王之正典其後漸蒙見任復為疾病轉 故置校事取其一切耳然檢御有方不至縱恣也此霸 也初無校事之官干與庶政者也昔武皇帝大業草創 官名改易職司不同至於崇上抑下顯明分例其致一 相因仍莫正其本遂令上察宫廟下攝眾司官無局業 衆官未備而軍旅勤苦民心不安乃有小罪不可不察 金人巴尼人司

調為賢能其治事以刻暴為公嚴以循理為怯弱外則 其職申明科的以督其違若此諸賢猶不足任校事 校尉督察京輦御史中及董攝宫殿皆高選賢才以充 有公御將校總統諸署內有侍中尚書綜理萬機司隷 年不聞既非周禮設官之意又非春秋十等之義今外 公於目下肆其姦慝罪惡之者行路皆知纖惡之過積 勢含忍而不言小人畏其鋒鋩醬結而無告至使尹模 託天威以為聲勢內則聚群姦以為腹心大臣恥與分 これ ういってんから 三國志文類

若更高選國士以為校事則是中丞司隸重增一官耳! 新玩四四全書 義言之尚傷大臣之心况好回暴露而復不能是家闕 也曹恭公遠君子近小人國風託以為刺衛獻公舍大 **岩如舊選尹模之姦今復發矣進退推算無所用之昔** 吏益不可信若此諸賢各思盡忠校事區區亦復無益 臣與小臣謀定姜謂之有罪縱令校事有益於國以禮 政治得失必感天地臣恐水旱之災未必非校事之由 桑弘羊為漢求利卜式以為獨烹弘羊天乃可雨若使

人でしるいからいから 賊頻攻橋誤有漏失渚中精鋭非魏之有將轉化為吳 濟至危也一 道宜利兵有進退不可如意今屯治中至深也浮橋而 武皇帝智勇過人而用兵畏敵不敢輕之若此也夫兵 好進惡退常然之數平地無險猶尚艱難就當深入 不補迷而不返也於是遂罷校事官 董昭攻江陵疏時大 議者多以為城必可拔昭上疏駒入渚中安屯作浮橋南北往来的文工陵疏枝時江水淺狹尚欲乘船将 道而行至狹也三者兵家所忌而今行之 三周志文類 プ選

哉如江水向長一 完奈何乘危不以為懼事將危矣惟陛下察之帝悟昭 金分四四百十 凡有天下者莫不贵尚敦樸忠信之士深疾虚偽不真 泄將軍石建高遷僅得自免軍出旬日汗水暴長帝日 君論此事何其審也正使張陳當之何以復加 言即詔尚等促出賊兩頭並前官兵一 矣臣私感之忘寢與食而議者怡然不以為憂豈不惑 董昭陳末流之弊疏 一旦暴增何以防禦就不破賊尚當自 卷十五 道引去不時得

其能糾擿毀壞風俗侵欲滋甚竊見當今年少不復以 安之末曹偉則斬戮黄初之始伏惟前後聖部深疾浮 偽欲以破散邪黨常用切齒而執法之吏皆畏其權勢 學問為本專更以交游為業國士不以孝悌清修為首 **瑕釁至乃相謂今世何憂不度邪但求人道不勤羅之** 戮用黨譽為爵賞附己者則數之盈言不附者則為作 人でしり日本は世ョー 乃以趨勢游利為光合黨連羣互相褒歎以毀些為罰 三國志文類

之人者以其段教亂治敗俗傷化也近魏諷則伏誅建

大臣太重者國危左右太親者身蔽古之至戒也往者 交通書疏有所探問凡此諸事皆法之所不取刑之所 又聞或有使奴客名作在職家人冒之出入往來禁與 金人で万人 不博耳又何患其不知已矣但當吞之以藥而柔調耳 大臣秉事外内扇動陛下卓然自覽萬機莫不祇肅去 不赦雖諷偉之罪無以加也 大臣非不忠也然威權在下則眾心慢上勢之常也 將齊言中書疏為申後率片此疏令 卷十五

必賢於大臣至於便辟取合或能工之今外所言朝云 推移於事即亦因時而向之一有此端因當內設自完 事要日在目前償因疲倦之間有所割制眾臣見其能 中書雖使恭慎不敢外交但有此名猶惑世俗況實握 次正四半全書 人 興功負賞罰必有所易直道而上者或壅曲附左右者 以此衆語私抬所交為之內援若此臧否毀譽必有所 反達因微而入緣形而出意所狎信不復猜覺此宜聖 三國志文類

下既以察之於大臣願無忘於左右左右忠正遠慮未

合而受左右之怨莫適以聞臣獨亮陛下潛神默思公 智所當早聞外以經意則形際自見或恐朝臣畏言不 當今柱石之士雖少至於行稱一州智效一官忠信竭 聽並觀若事有未盡於理而物有未周於用將改曲易 非周公旦之忠又非管夷吾之公則有弄機敗官之弊 命各奉其職可並驅策不使聖明之朝有專吏之名也 君猶不可悉天下事以適己明當有所付三官任一 調遠與黃唐角功近昭武文之迹豈近習而已哉然人

的口夫骨鯁之臣人主之所仗也濟才無文武服勤盡 節每軍國大事輒有奏議忠誠奮發吾甚壯之就遷為 雖有十二州至於民數不過漢時一大郡二賊未該宿 護軍將軍加散騎常侍 陛下方當恢崇前緒光濟道業誠未得高枕而治也今 兵邊陲且耕且戰怨職積年宗廟宫室百事莫創農桑 しこうことろう 蔣濟言在役怨曠疏景初中外勤在役內務官 此濟 疏上 三因心文類

者少衣食者多今其所急唯當息耗百姓不至甚弊弊 **隙不奪其時夫欲大興功之君先料其民力而與休之** 形太勞則弊願大簡賢妙足以充百斯男者其冗散未 齊煎越滅勁吳今二敵不攻不滅不事即侵當身不除 勾践養胎以待用昭王恤病以雪仇故能以弱燕服殭 **她之民倘有水旱百萬之衆不為國用凡使民必須農** 銀江四月全書 賊臣以為無難矣又散好之就害於精爽神太用則竭 百世之責也以陛下聖明神武之畧舍其緩者專心討

晏嬰對以布惠魯君問異臧孫荅以緩役應天塞變乃 次王四事全書 ! 姓貧苦夫為國法度惟命世大才乃能張其綱維以垂 昔大舜佐治戒在比周周公輔政慎於其朋齊侯問災 實人事今二賊未滅將士暴露已數十年男女怨曠百 齒且悉分出務在清靜的曰微該軍吾弗聞斯言也 于後宣中下之吏所宜改易哉終無益於治適足傷民 將濟言日蝕疏是時曹與再政丁證節殿等輕 濟其 上 疏失 三國志文類

獨斷之策陛下明其忠節罪人伏誅社稷之福也夫封 臣恭寵上司而典敢包藏禍心此臣之無任也太傅奮 率而上失其制下受其弊臣備宰司民所具賭誠恐冒 望宜使文武之臣各守其職率以清平則和氣祥瑞 寵慶賞必加有功今論謀則臣不先知語戰則非臣所 感而致也 金げしんとご 將濟幹食巴疏梅誅曹與等進封都鄉侯邑七將濟幹食巴疏時隨太傅司馬宣王屯洛水浮 上百 疏户 曰濟

為齊 賞之漸自此而與推讓之風由此而廢固辭不許 四不為義疾蔣濟其有馬郡邑可謂不負心矣語曰不 三国忠文領

	 	 			
三國志文類卷十五					金万四月全書
					•
五					卷十五
-					
		·			.
	-	 	<u>-</u> .		

高門子弟 大學二十餘年而寡有成者盖由傳士選輕諸生避役 欽定四庫全書 . J. 1-1-1-1-1 八學者治亂之軌儀聖人之大教也自黄初以來崇立 魏 國志文類卷十六 書疏 劉靖請選立博士疏 恥非其倫故夫學者雖有其名而無其人 三國忠之百 雖

以崇徳荒教廢業者則退之以懲惡舉善而教不能則 皆入大學明制絀陟榮辱之路其經明行修者則進 者掌教國子依遵古法使二千石以上子孫年從十五 風遠人來格此聖人之教致治之本也 勸浮華交游不禁自息矣闡弘大化以綏未實六合承 設其教而無其功宜高選博士取行為人表經任 銀定四库全書 恕請刺史勿領兵疏時 ·我而鎮北将下清静為名威 軍吕昭又領冀州恕乃上疏風著稱今可勿令領兵以專 古之刺史奉宣卿以下大議損 盆 師

とくているいかいから 二方僭逆北虜未賓三邊邁難続天畧市所以統一州 地而承喪亂之弊計其户口不如往昔一州之民然而 本而節用也方今二賊未滅戎車亟駕此自熊虎之士 帝王之道莫尚乎安民安民之術在於豐財豐財者務 民競干戈之業不可謂務本於藏歲虚而制度歲廣民 為首州郡牧守咸共忽恤民之術修將率之事農桑之 力晟衰而賦役嚴與不可謂節用今大魏奄有十州之 展力之秋也然搢紳之儒横加榮慕描脫抗論以孫吳 三因忠文斯

宜别置将守以盡治理之務而陛下復以冀州寵秋日 之府誠不當復任以兵事也若以北方當須鎮守自可 邊諸州皆有兵矣其所恃內充府庫外制四夷者惟亥 的其州户口最多田多墾關又有桑棗之饒國家徵求 豫司冀而已臣前以州郡典兵則專心軍功不勤民事 之民經營九州之地其為艱難譬策贏馬以取道里豈 不能十州擁兵郡且二十也今荆揚青徐幽并雍涼縁 可不加意愛惜其力哉以武皇帝之節儉府藏充實猶

金万里人人

往年牛死通率天下十能損二麥不半收秋種未下 法不益峻以此推之非政教陵遲牧守不稱之明效敷 推之知國家以人擇官不為官擇人也官得其人則政 平訟理政平故民富實訟理故囹圄虚空陛下踐祚天 的於人才尚復易中朝苟乏人兼才者勢不獨多以此 二賊游魔於疆場飛弱輓栗千里不及究此之術宣在 專置大將以鎮安之計所置吏士之費與兼官無覺然 てきている !! 下斷獄百數十人歲歲增多至五百餘人矣民不益多 三國志文類

賤之言實未易聽若使善策必出於親貴親貴故不犯 業以堪四支之重然孤論難持犯欲難成衆怨難積疑 似難分故累載不為明主所察凡言此者類皆疏賤疏 腹心也是以愚臣慢慢實願四州之故守獨修務本之 強兵平武士勁卒愈多愈多愈病耳夫天下猶人之體 四難以求忠爱此古今之所當患也 腹心充實四肢雖病終無大患今究豫司冀亦天下之 杜恕考内外聚官疏外聚官恕以為用不盡

金万四月至言

老十六

為級京房之本古可謂明考課之要矣於以崇揖讓之 之佐殷周無貴伊吕之輔矣今奏考功者陳周漢之法 足也雖歷六代而考績之法不著闌七聖而課試之文 其官有功者受其禄譬猶烏獲之舉千鈞良樂之選驥 書稱明試以功三考點陟誠帝王之盛制使有能者當 欽定四庫全書 有亂人而無亂法若使法可專任則唐虞可不須稷契 不垂臣誠以為其法可粗依其詳難備舉故也語曰世 務所務非世 要上疏曰人雖才且無益所存非所 三因志文類

臣納言補闕無善不紀無過不舉且天下至大萬機 施行立必信之賞施必行之罰至於公卿及内職大 亦當俱以其職考課之也古之三公坐而論道內職大 由四科皆有事劾然後察舉試辟公府為親民長吏轉 臣以為便當顯其身用其言使具為課州郡之法法 以功次補郡守者或就增秩賜爵此最考課之急務也 風興濟濟之治臣以為未盡善也其欲使州郡考士必 明所能偏照故君為元首臣作股肱明其

欽定四庫全書 體相須而成也是以古人稱廊廟之材非一木之支帝 所徇者豈聲名而已乎諸家寵禄受重任者不徒欲舉 知已而披肝膽徇聲名而立節義者况於東帶立朝致 以致雅熙者哉且布衣之交猶有務信誓而蹈水火感 不患於念治之心不盡患於自任之不足此誠人主使 明主於唐虞之上而已身亦欲厠稷契之列是以古人 王之業非一士之畧由是言之馬有大臣守職辦課可 柳相所務者非特匹夫之信所感者非徒知己之惠 长十六 三國志文類

尼為謀猶不能盡一才又況於世俗之人乎今之學者 而盡節在公抱見疑之勢公義不修而私議成俗雖仲 處朝廷者亦明主所察也誠使容身保位無放退之辜 為智當官茍在於免負立朝不忘於容身潔行遜言以 行以處朝廷者自明主所察也若尸禄以為高拱嘿以 在公恪勤特立當官不撓貴勢執平不阿所私危言危 之然也唐虞之君委任稷契夔龍而責成功及其罪也 **殛縣而放四凶今大臣親奉明詔給事目下其有夙夜**

者盖進之以道帥之以禮故也古之帝王之所以能輔 師商韓而上法術競以儒家為迂濶不周世用此最風 聖人不擇世而與不易民而治然而生必有賢智之佐 問又云諸當坐者别奏尚書令陳矯自奏不敢辭罰亦 伏見尚書郎庶昭奏左丞曹璠以罰當關不依詔坐判 俗之流弊創業者之所慎也後考課竟不行 欠三日日子にはす 不敢以處重為恭意至懇惻臣竊愍然為朝廷惜之夫 杜恕上言事疏樂安無昭以才能拔雅頗 三門志文類

機或親燈火而底事不康刑禁日弛豈非股肱不稱之 世長民者莫不遠得百姓之惟心近盡羣臣以智力誠 能使人若非天下之選亦不可謂能官人陛下憂勞萬 使今朝任職之臣皆天下之選而不能盡其力不可謂 里奚愚於虞而智於秦豫讓尚容中行而者節智伯斯 金グロスときて 其事類可推而得陛下感帑藏之不充實而軍事未息 則古人之明縣矣今臣言一朝皆不忠是誣一朝也然 明效敷原其所由非獨臣有不盡忠亦主有不能使百

少人で四事人とせつ 史中丞寧有舉綱維以督姦完使朝廷肅然者称若坠 吏公卿大臣初無一言自陛下踐祚以來司隸校尉御 至乃斷四時之賦衣薄御府之私殼的由聖意舉朝稱 蹤坐待來世之雋义乎今之所謂賢者盡有大官而厚 明與聞政事密勿大臣寧有懇懇憂此者乎騎都尉王 禄矣然而奉上之節未立向公之心不一者委任之責 才幸樂人孟思所為不法振動京都而其罪狀發於小 下以為今世無良才朝廷乏賢佐豈可追望稷契之遐 三國志文類

為來世戒也昔周公戒魯侯曰無使大臣怨乎不以不 **應昭者擾亂其間臣懼大臣遂將容身保位坐觀得失** 忠何者以其居無嫌之地而事得自盡也今有疏者毀 心篤厲有道之節使之自同古人望與竹帛耳反使 有之政事損益亦皆有嫌陛下當思所以闡廣朝臣之 必曰私愛所親左右或因之以進憎愛之説非獨毀譽 不專而俗多忌諱故也臣以為忠臣不必親親臣不必 人不實其所毁而必曰私報所憎譽人不實其所譽而

金りてんノニュ

也不自以為不知以陛下為不問也陛下何不遵周公 得而知忠能者進閣労者退誰敢依違而不自盡以陸 則從華董親對詔問所陳必達則羣臣之行能否皆可 之所以用大舜之所以去使侍中尚書坐則侍帷幄行 言賢愚明皆當世用也尭數舜之功稱去四卤不言大小 以為親人思所以報賢愚能否在陛下之所用以此治 有罪則去也今者朝臣不自以為不能以陛下為不任 くれうしょしみう **卜之聖明親與羣臣論議政事使羣臣人得自盡人自** 三国志文類

使能者不敢遺其力而不能者不得處非其任選舉非其 其不盡力也而代之憂其職知其不能也而教之治其 **誰當憂此者邪吾當自憂耳近詔又曰憂公忘私者必** 事何事不辨以此建功何功不成每有軍事詔書常曰 有本性雖臣亦以為朝臣不盡稱職也明主之用人也 不然但先公後私即自辦也伏讀明詔乃知聖思究盡 人未必為有罪也舉朝共容非其人乃為怪耳陛下知 情然亦怪陛下不治其本而憂其末也人之能否實

多分四店全書

屬選舉不以實人事之大者也嘉有親戚之寵躬非社 **羡碎大將軍狂悖之弟而有司嘿爾望風希指甚於受** 之實未得為禁之本也告漢安帝時少府實嘉辟廷尉 稷重臣猶尚如此以今况古陛下自不督必行之罰以 郭躬無罪之兄子猶見舉奏章劾紛紛近司隸校尉孔 尹作迎客出入之制選司徒更惡更以守寺門威禁由 也陛下又患臺閣禁令之不密人事請屬之不絕聽伊 事豈徒主勞而臣逸哉雖聖賢並世終不能以此為治 ううここから 三國七文領

先意承古以求容美率皆天下淺薄無行義者其意務 則人主之所最病者陛下將何樂焉胡不絕其萌乎夫 能為此耶誠顧道理而弗為耳使天下皆背道而趨利 **迕世為奉公客行白人為盡節馬有通人大才而更不** 道理而苟求容進也若陛下不復考其終始必以違衆 夫糾擿姦冗忠事也然而世憎小人行之者以其不顧 絕阿黨之原耳伊尹之制與惡吏守門非治世之具也 使臣之言少家察納何患於姦不削滅而養若昭等乎

多大四母全書

卷十六

在於適人主之心而已非欲治天下安百姓也陛下何 白殭耳誠以為陛下當憐而佑之少委任焉如何反錄 得人主之心安業也處尊顯之官榮事也食干鍾之禄 不試變業而示之彼豈執其所守以違聖意哉夫人臣 不可以怠也 有貧曠之民陛下當大計天下之損益政事之得失誠 昭等傾側之意而忽若人者乎今者外有伺隙之冠內 厚實也人臣雖愚未有不樂此而喜干迕者也迫於道 三国北之国

Parameter 1					
三國志文類卷十六					 欽定四庫全書
卷十六	,				あれた
-		-			-
				,	,-

欽定四庫全書 二國志文類卷十七

魏

書疏

雍丘王曹植朝京都疏 徒封雍丘王山以太后故 既以太后故 既以 山其年朝京都上北野京都底有其年 一年 長期京都底有其年 城治 灌國

罪 均黄

市希初

侯

Ξ

三國志文順

臣自抱釁歸藩刻肌刻骨追思罪戾畫分而食夜分而

志絕自分黄者無復執珪之望不圖聖部猥垂齒名至 者明君之舉心於愚愛能者慈父之恩也是以愚臣徘 辣者慶雲之惠也七子均養者尸鳩之仁也舍罪責功 德象天地恩隆父母施暢春風澤如時雨是以不別荆 賢夕改之勸忍活苟全則犯詩人胡顏之譏伏惟陛下 無禮過死之義形影相男五情愧赧以罪棄生則違古 **何於恩澤而不能自棄者也前奉記書臣等絕朝心離** 寢誠以天網不可重離聖恩難可再恃竊感相鼠之篇 次至四事全書 四 廣命懿親以藩王國帝曰兩侯君兹青土奄有海濱方 周于魯車服有輝雄軍有叔濟為馬人我弼我輔伊予 命于天寧濟四方朱旗所拂九土披攘玄化滂流荒服 小子恃寵驕盈舉挂時網動亂國經作牆作屏先軌是 烈文則時雍受禪炎漢臨君萬邦萬邦既化率由舊則 來王超商越周與唐比蹤篤生我皇奕世載聰武則肅 止之日馳心輦轂僻處西館未奉闕廷踊躍之懷瞻望 反仄謹拜表獻詩二篇其辭曰於穆顯考時惟武皇受 三門志文類

墮傲我皇使犯我朝儀國有典刑我削我紅將宾於理 有りてんとこ 執聖策皇恩過隆祗承怵惕咨我小子頑凶是嬰逝慚 無臣荒淫之關誰獨子身災災僕夫于彼冀方嗟予小 陵墓存愧闕廷匪敢骸徳寔恩是恃威靈改加足以沒 子乃惟斯殃赫赫天子恩不遺物冠我玄晃要我朱紋 彼執憲哀予小子改封究邑于河之濱股肱弗置有君 朱紱光大使我榮華剖符授玉王爵是加仰齒金璽俯 **元免是率明明天子時篤同類不忍我刑暴之朝肆違**

欽定四庫全書 望城不過面色匪游僕夫警策平路是由玄腳謁謁揚 征旅朝發驚臺文宿蘭渚芒芒原隰祁祁士女經彼公 如饑心之云慕懷矣其悲天髙聽甲皇肯照微又曰肅 赴江湘奮戈吳越天改其東得會京畿遅奉聖顔如渴 建旗東嶽底立毫羅機功自贖危驅授命知足免戾甘 齒昊天罔極性命不圖常懼顛沛抱罪黃爐願家矢石 田樂我稷黍爰有樛木重陰匪息雖有餱糧饑不遑食 承明的應會皇都星陳風駕秣馬脂車命彼掌徒肅我 三因志文類

詔未賜朝覲莫從仰瞻城閩俯惟闕廷長懷永慕憂心 後乘抗在輪不報運鸞無廢聲爰暨帝室稅此西墉嘉 與將朝聖皇匪敢晏寧拜節長舊指日過在前驅舉 鏣渦沫流風異衡輕雲承盖涉澗之濱緣山之隈遵彼 為黃阪是階西濟關谷或降或升縣縣後路再寢再 醒帝嘉其群義優的答勉之 又求自試疏户五百太和元年徒封浚 而還 無所施上疏求自試曰雍丘植常自情怨抱利 儀植二年 增

次至四年全年 矣正值陛下升平之際沐浴聖澤潛潤徳教可謂厚幸矣 臣也故君無虚授臣無虚受虚授謂之謬舉虚受謂之尸 臣夫論德而授官者成功之君也量能而受爵者畢命之 貴於與國故慈父不能愛無益之子仁君不能畜無用之 臣聞士之生世入則事父出則事君事父尚於榮親事君 旦與不讓熊魯之封其功大也今臣家國重恩三世子今 而竊位東潘爵在上列身被輕緩口厭百味自極華靡耳 禄詩之素餐所由作也昔二號不辭兩國之任其德厚也 三团志文類

混同宇内以致太和也故敢滅有扈而夏功的成克商都 若此終年無益國朝將挂風人彼已之譏是以上慙玄晃 於此皆以功勤濟國輔主惠民今臣無德可述無功可紀 倦絲竹者爵重禄厚之所致也退念古之授爵禄者有異 而周德著今陛下以聖明統世將欲卒文武之功繼成康 俯愧朱紱方今天下一統九州晏如而顧西有違命之蜀 東有不臣之吳使邊境未得脱甲謀士未得萬枕者誠欲 ヨグレ ろくごで 一逢簡賢授能以方叔召虎之臣鎮御四境為國爪牙者

SAN TOTAL STATES 妙年使越欲得長纓纓其王羈致北闕此二臣豈好為誇 昔賈誼弱冠求試屬國請繁單于之頸而制其命終軍以 臣欲以除思與利臣之事君必以殺身靖亂以功報主也 賊遺於君父故車右伏劒於鳴轂雍門勿首於齊境若此 釣射之術或未盡也昔耿弇不俟光武亟擊張步言不以 可謂當矣然而髙鳥未挂於輕繳淵魚未縣於鉤餌者恐 主而燿世哉志或鬱結欲逞其才力輸能於明君也昔漢 二士豈惡生而尚死哉誠忿其慢主而陵君也夫君之寵 三国志文類

當一校之隊若東屬大司馬統偏舟之任必乘危蹈險聘 若使陛下出不世之諂劾臣雖刀之用使得西屬大將軍 安席食不遑味者伏以二方未克為念伏見先武皇帝武 忘家捐驅濟難忠臣之志也今臣居外非不厚也而寢不 武為霍去病治第辭曰匈奴未滅臣無以家為固夫憂國 舟奮驟突刀觸鋒為士卒先雖未能為權越亮無將勇其 戰陣竊不自量志在効命庶立毛髮之功以報所受之思 臣宿將年者即世者有聞矣雖賢不乏世宿將舊卒猶習

筆事列朝策雖身分蜀境首縣吳閥猶生之年也如微才 雄率殲其醜類必效須更之捷以滅終身之愧使名挂史 弗試沒世無聞徒祭其驅而豐其體生無益於事死無損 之養物非臣之所志也流聞東軍失備師徒小妙報食棄 於數虛荷上位而恭重禄禽息鳥視終於白首此徒圈字 皇帝南極赤岸東臨滄海西望玉門北出玄塞伏見所以 餐奮於攘在撫匈東顧而心已馳於吳會矣臣昔從先武 行軍用兵之勢可謂神妙矣故兵者不可豫言臨難而制 三國志文類

知其才是以效之齊楚之路以逞千里之任武之狡兔之 名並滅臣聞騏驥長鳴則伯樂照其能盧狗悲號則韓國 盗馬之臣赦楚趙以濟其難臣竊感先帝早崩威王葉世 使臣不廢有罪故奔北敗軍之將用秦魯以成其功絕纓 臣義士出一朝之命以狗國家之難身雖屠裂而功銘者 慶者也志欲自效於明時立功於聖世母覽史籍觀古忠 臣獨何人以堪長久常恐先朝露填溝壑墳土未乾而身 於鼎鐘名稱垂於竹帛未嘗不拊心而歎息也臣聞明主 卷十七

一部穴で居全書

也干時求進者道家之明忌也而臣敢陳聞於陛下者 **竦聞樂而竊抹者或有賞音而識道也昔毛遂趙之陪** 伯樂韓國之舉是以於邑而竊自痛者也夫臨博而企 捷以驗搏噬之用今臣志狗馬之微功竊自惟度終無 山海熒燭末光增輝日月是以敢冒其醜而獻其忠 誠與國分形同氣憂患共之者也冀以塵霧之微補益 朝而無慷慨死難之臣乎夫自街自媒者士女之醜行 隸猶假錐囊之喻以寤主立功何況巍巍大魏多士之 くこうに とよう 三國志文類

萬物可謂弘廣矣盖充之為教先親後疎自近及遠其 金江四周全書 **那是以雍雍穆穆風人詠之昔周公弔管蔡之不咸廣** 文王亦崇厥化其詩曰刑于寡妻至于兄弟以御于家 傳曰克明峻德以親九族九族既睦平童百姓及周之 臣聞天稱其髙者以無不覆地稱其廣者以無不載日 子曰大哉堯之為君惟天為大惟堯則之夫天德之於 月稱其明者以無不照江海稱其太者以無不容故孔 又求存問親戚疏太和三年徒封東阿五年復上

封懿親以藩屏王室傅曰周之宗盟異姓為後誠骨內一 絕緒禁錮明時臣竊自傷也不敢乃望交氣類修人事 情展誠可謂恕己治人推惠施恩者矣至於臣者人道 政不廢於公朝下情得展於私室親理之路通慶弔之 翼翼之仁惠治椒房 恩昭九族 羣后百寮番休遁上執 仁而遺其親者也伏惟陛下資帝唐欽明之德體文王 之恩與而不離親親之義實在敦固未有義而後其君 叙人倫近且婚媾不通兄弟垂絕吉凶之問塞慶弔之 、 こうこと したう 三國志文類

禮廢恩紀之違甚於路人隔閡之異殊於胡越今臣以 銀好四样全書 具爾之心願陛下沛然垂的使諸國慶問四節得展以 得再通齊義於貴宗等惠於百司如此則古人之所數 叙骨內之歡恩全怕怡之篤義妃妾之家膏沐之遺歲 明知之矣然天實為之謂之何哉退惟諸王常有戚戚 及觀陛下之所拔授若以臣為異姓竊自料度不後於 風雅之所詠復存於聖世矣臣伏自維省無錐刀之用 切之制永無朝覲之望至於注心皇極結情紫閮神

生之義終懷夢我罔極之哀每四節之會塊然獨處左 遠慕鹿鳴君臣之宴中詠常棣匪他之誠下思伐木友 答聖問拾遺左右乃臣丹誠之至願不離於夢想者也 人民日本人生 誠不能動人譬人之誠不能動天崩城隕霜臣初信之 未嘗不聞樂而扮心臨觞而嘆息也臣伏以為大馬之 右惟僕隸所對惟妻子高談無所與陳發義無所與展 朝士矣若得辭遠遊載武弁解朱組佩青紋駙馬奉車 號安宅京室執鞭珥筆出從華盖入侍雄最承 三因志文類

之否隅友于同爱而臣獨倡言者竊不願於聖世使有 之明者實在陛下臣聞文子曰不為福始不為禍先今 光然向之者誠也竊自比葵藿若降天地之施垂三光 臣之愚嚴固非虞伊至於欲使陛下崇光被時雍之美 孟子曰不以舜之所以事克事其君者不敬其君者也 不家施之物有不家施之物必有慘毒之懷故柏舟有 以臣心况徒虚語耳若葵藿之傾葉太陽雖不為之回 天只之怨谷風有棄子之歎故伊尹恥其君不為堯舜

金げんでんといって

|備悉矣何言精誠不足以感通哉夫明貴賤崇親親禮 **薄不親九族則角弓之章刺今令諸國兄弟情禮簡怠** 立企行之心敢復陳聞者其陛下倘發天聰而垂神聽 賢良順少長國之紀網本無禁錮諸國通問之的也矯 宣緝熙章明之徳者是臣樓樓之誠竊所獨守實懷傷 **妃妾之家膏沐疏畧朕縱不能敦而睦之王援古喻義** 也詔報曰盖教化所由各有隆弊非皆善始而惡終也 事使之然故夫忠厚仁及草木則行葦之詩作恩澤衰

武功烈則可以征不庭威四夷南仲方叔是矣昔伊尹 一欽定四庫全書 世非皆智三季之末非皆愚用與不用知與不知也既 臣聞天地協氣而萬物生君臣合德而庶政成五帝之 枉過正下吏懼譴以至於此耳已敢有司如王所訴 烈者也文徳的則可以匡國朝致雍熙稷契夔龍是也 時有舉賢之名而無得賢之實必各援其類而進矣諺 曰相門有相將門有將夫相者文德昭者也將者武功 又求審舉之義疏 三月六文者

左右之介哉書曰有不世之君必能用不世之臣用不 湯武周文誠道合志同玄謨神通豈復假近習之薦因 而不稱其任哉故任益隆者負益重位益高者責益深 侵沒軍喪眾干戈不息者邊將之憂也豈可虚荷國寵 世之臣必能立不世之功殷周二王是矣若夫龌龊近 官曠無人庶政不整者三司之責也疆場騷動方隅內 步遵常守故安足為陛下言哉故陰陽不和三光不暢

之為滕臣至賤也吕尚之處屠釣至陋也及其見舉於

疑臣伏惟陛下遠覽姬文二號之援中應周成召軍之 書稱無職庶官詩有職思其憂此其義也陛下體天貞 東牟之親外有齊楚淮南琅邪此則磐石之宗願王勿 觴而搤腕矣昔漢文發代疑朝有變宋昌曰內有朱虛 加東有覆敗之軍西有殪沒之將至使蚌蛤浮翔於淮 四題鮑誰謹於林木臣每念之未嘗不報食而揮餐臨 而數年以來水旱不時民困衣食師徒之發歲歲增調 之淑聖昼神機以繼統冀聞康哉之詩偃武行文之美

欽定匹庫全書

类

一哉臣聞羊質虎皮見草則悦見豺則戰忘其皮之虎也 今置將不良有似於此故語曰患為之者不知知之者 善御馬明君善御臣伯樂馳千里明君致太平誠任賢 輔下存宋昌磐石之固昔縣職之於吳阪可謂因矣及 不得為也昔樂毅奔趙心不忘燕厲頗在楚思為趙將 克拜陛下可得雅容都城何事勞動臺駕暴露於邊境 使能之明效也若朝司惟良萬機內理武将行師方難 其伯樂相之孫 郵御之形體不勞而坐取干里蓋伯樂

1人で日本十一日本日

三國志文物

命先驅畢命輪轂雖無大並其有小補然天高聽遠情 塵露撮風后之竒接孫吳之要追慕卜商起子左右刻 書期會甚急又聞豹尾已建戎軒騖駕陛下將復勞玉 奉朝覲排金門蹈玉陛列有職之臣賜須史之問使臣 之要不必取孫吳而間與之合竊投之於心常願得 臣生乎亂長乎軍又數承教于武皇帝伏見行師用兵 躬擾挂神思臣誠妹息不遑寧處願得策馬執鞭首當 金ピノロアノファー 散所懷據舒為積死不恨矣被鴻臚所下發士息

越之難周青臣可謂知時變矣夫能使天下傾耳注目者 若姬周之樹國五等之品制也若扶蘇之諫始皇淳于 漢氏廣建藩王豐則連城數十約則饗食祖祭而已未 求必不遠華宗貴族藩王之中必有應斯舉者故傳曰 國有縣而不知乘馬皇皇而更索昔管蔡放誅周召作 22.000 とよう 間 無周公之親不得行周公之事惟陛下少留意馬近者 弼叔魚陷刑叔向匡國三監之釁臣自當之二南之輔 不上通徒獨望青雲而拊心仰高天而歎息耳屈平曰 三周志文面

貴存共其榮沒同其禍者公族之臣也今反公族疏而 古專其位山離其患者異姓之臣也欲國之安祈家之 異姓親臣竊惑馬臣聞孟子曰君子窮則獨善其身達 戚權之所在雖疏必重勢之所去雖親必輕盖取齊者 當權者是矣故謀能移主威能懾下豪右執政不在親 濕高下共之豈得離陛下哉不勝憤懣拜表陳情若有 則無善天下今臣與陛下踐水履炭登山浮澗寒温燥 田族非吕宗也分晉者趙魏非姬姓也惟陛下察之尚

多好四月全書

表之不合義者如是則臣願足矣帝輒優文答報 ススンラミュートラー 不合乞且藏之書府不便滅棄臣死之後事或可思若 有毫麵少挂聖意者乞出之朝堂使夫博古之士糾臣 三母むと省

新好四月全書 三國志文類卷十七